



ՀԱՅՏԱՐԱՐՈՒԹՅՈՒՆ
ՀՐԱՏԱՊ ԲԱՑ ՄՐՑՈՒՅԹԻ ՄԱՍԻՆ
Հայտարարության սույն տեքստը հաստատված է կազմակերպության գնումների
բաժնի 2024 թվականի ապրիլի 19-ի «2» որոշմամբ

Ընթացակարգի ծածկագիրը՝ **ԴՀ-ՈՒԱԱԿ-19/04**

Պատվիրատուն՝ «Դասավանդիր, Հայաստան» կրթական հիմնադրամը, որը գտնվում է ք. Երևան, Մելիք-Աղամյան 2/1 հասցեում, հայտարարում է հրատապ բաց մրցույթ, որին դիմողը կարող է ծանոթանալ հետևյալ կերպ՝ Teach For Armenia (www.teachforarmenia.org) վեբ կայքում տեղադրված հայտարարության միջոցով, ինչպես նաև գնումների էլեկտրոնային տեղեկատու Tender.am տեղադրված հայտարարության միջոցով:

Սույն ընթացակարգի արդյունքում ընտրված մասնակցին սահմանված կարգով կառաջարկվի կնքել **ծառայությունների** մատուցման պայմանագիր (այսուհետ՝ պայմանագիր):

«Գնումների մասին» ՀՀ օրենքի 7-րդ հոդվածի համաձայն՝ ցանկացած անձ, անկախ նրա օտարերկրյա ֆիզիկական անձ, կազմակերպություն կամ քաղաքացիություն չունեցող անձ լինելու հանգամանքից, ունի սույն ընթացակարգին մասնակցելու հավասար իրավունք:

Սույն ընթացակարգին մասնակցելու իրավունք չունեցող անձանց, ինչպես նաև մասնակիցներին ներկայացվող պայմանները սահմանված են սույն ընթացակարգի հրավերով:

Ընտրված մասնակիցը որոշվում է առաջարկած գնին և հրավերով սահմանված և բոլոր պայմաններին համապատասխանող մասնակցին նախապատվություն տալու սկզբունքով:

Սույն ընթացակարգին մասնակցության հայտերն անհրաժեշտ է ներկայացնել էլեկտրոնային ձևաչափով՝ «Դասավանդիր, Հայաստան» կրթական հիմնադրամի գնումների էլեկտրոնային հասցեին՝ procurement@teachforarmenia.org մինչև սույն հայտարարության հրապարակման օրվանից հաշված մինչև 2024 թվականի մայիսի 19-ը, ժամը 10:00-ը: Հայտերը, հայերենից բացի, կարող են ներկայացվել նաև անգլերեն կամ ռուսերեն:

Հայտերը ստանալուց հետո, դրական կամ բացասական պատասխանը ուղարկվելու է հետադարձ նամակով մինչև **2024 թվականի մայիսի 19-ին, ժամը 10:00-ին**:

Սույն հայտարարության հետ կապված լրացուցիչ տեղեկություններ ստանալու համար դիմել գնումների բաժին՝

Հեռախոս՝ 041530224

Էլ. փոստ՝ procurement@teachforarmenia.org

Պատվիրատու՝ «Դասավանդիր, Հայաստան» կրթական հիմնադրամ

Հաստատված է
«ԴՀ-ՈՒԱԱԿ-19/04» ծածկագրով
հրատապ բաց մրցույթի գնումների բաժնի
2024 թ. ապրիլի 19-ի N 2 որոշմամբ

Հ Ր Ա Վ Ե Ր

«ԴԱՍԱՎԱՆԴԻՐ, ՀԱՅԱՍՏԱՆ» ԿՐԹԱԿԱՆ ՀԻՄՆԱԴՐԱՄԻ ԿԱՐԻՔՆԵՐԻ ՀԱՄԱՐ
ԾԱՌԱՅՈՒԹՅՈՒՆՆԵՐԻ ՁԵՌՔԲԵՐՄԱՆ ՆՊԱՏԱԿՈՎ ՀԱՅՏԱՐԱՐՎԱԾ ՀՐԱՏԱՊ
ԲԱՑ ՄՐՑՈՒՅԹ

*Հարգելի մասնակից, նախքան հայտ կազմելը և ներկայացնելը խնդրում ենք
մանրամասնորեն ուսումնասիրել սույն հրավերը, քանի որ հրավերին
չհամապատասխանող հայտերը ենթակա են մերժման:*

ԲՈՎԱՆԴԱԿՈՒԹՅՈՒՆ

«ԴԱՍԱՎԱՆԴԻՐ, ՀԱՅԱՍՏԱՆ» ԿՐԹԱԿԱՆ ՀԻՄՆԱԴՐԱՄԻ ԾԱՌԱՅՈՒԹՅՈՒՆՆԵՐԻ ՁԵՌՔԵՐՄԱՆ ՆՊԱՏԱԿՈՎ ՀԱՅՏԱՐԱՐՎԱԾ ՀՐԱՏԱՊ ԲԱՑ ՄՐՑՈՒՅԹԻ ՀՐԱՎԵՐ

ՄԱՍ I.

1. Գնման առարկայի բնութագիրը
2. Մասնակցի մասնակցության իրավունքի պահանջները և դրանց գնահատման կարգը, ընտրված մասնակից ճանաչվելու դեպքում որակավորման ապահովվում ներկայացնելու պայմանները

ՄԱՍ II. ՀՐԱՏԱՊ ԲԱՑ ՄՐՑՈՒՅԹԻ ՀԱՅՏԸ ՊԱՏՐԱՍՏԵԼՈՒ ՀՐԱՀԱՆԳ

1. Հավելվածներ 1-2

Սույն հրավերը տրամադրվում է ի լրումն «**ԴՀ-ՈՒԱԱԿ-19/04**» ծածկագրով անցկացվող հրատապ բաց մրցույթի (այսուհետև՝ ընթացակարգ) հայտարարության:

Սույն հրավերը կազմվել է գնումների մասին ՀՀ օրենսդրության, այդ թվում՝ «Գնումների մասին» ՀՀ օրենքի (այսուհետև՝ Օրենք), ՀՀ կառավարության 2017թ. մայիսի 4-ի N 526-Ն որոշմամբ հաստատված «Գնումների գործընթացի կազմակերպման» կարգի (այսուհետև՝ Կարգ), ՀՀ կառավարության 2017 թվականի ապրիլի 6-ի N 386-Ն որոշմամբ հաստատված «Էլեկտրոնային ձևով գնումների կատարման» կարգի և այլ իրավական ակտերի պահանջներին համապատասխան և նպատակ ունի «*Դասավանդիր, Հայաստան՝ կրթական հիմնադրամի*» (այսուհետև՝ պատվիրատու) կողմից հայտարարված ընթացակարգին մասնակցելու մտադրություն ունեցող անձանց (այսուհետև՝ մասնակից) տեղեկացնելու ընթացակարգի պայմանների՝ գնման առարկայի, ընթացակարգի անցկացման, ընտրված մասնակցին որոշելու և նրա հետ պայմանագիր կնքելու մասին, ինչպես նաև օժանդակելու ընթացակարգի հայտը պատրաստելիս:

Հայտեր կարող են ներկայացնել բոլոր անձինք, անկախ նրանց՝ օտարերկրյա ֆիզիկական անձ, կազմակերպություն, քաղաքացիություն չունեցող անձ լինելու հանգամանքից:

Որպես մասնակից առաջարկը ուղարկելու նպատակով անձը մուտք է գործում www.teachforarmenia.org հասցեով գործող «*Դասավանդիր, Հայաստան՝ կրթական հիմնադրամի*» պաշտոնական կայք-էջը և ծանոթանում համապատասխան պահանջվող տեղեկատվությանը, որից հետո գրանցումը հաստատելու նպատակով էլեկտրոնային փոստի միջոցով ուղարկում է իր առաջարկը նշված էլեկտրոնային հասցեով: Մասնակցի գրանցումը համարվում է չեղյալ, եթե առաջարկն ուղարկելու օրվանից հաշված 2 օրացուցային օրվա ընթացքում վերջինս չի ստանում առաջարկի ստացման մասին տեղեկատվություն իր էլեկտրոնային հասցեին: Այս պարագայում իրականացվում է առաջարկի ուղարկման նոր գործընթաց:

Սույն ընթացակարգի հետ կապված հարաբերությունների նկատմամբ կիրառվում է Հայաստանի Հանրապետության իրավունքը: Սույն ընթացակարգի հետ կապված վեճերը ենթակա են քննության Հայաստանի Հանրապետության դատարաններում:

ՄԱՍ I.
ԳՆՄԱՆ ԱՌԱՐԿԱՅԻ ԲՆՈՒԹԱԳԻՐԸ

1. Հյուրանոցի վայրը, ժամկետը և հյուրերի քանակը

Տեսակ՝	Վարձակալություն, գիշերակացի ապահովվում, սննդի մատուցում, սպասարկում
Ժամանում՝	հուլիս 8
Մեկնում՝	հուլիս 27
Հյուրերի թիվ՝	136
Գտնվելու վայրը՝	ՀՀ՝ Կոտայկի մարզ, Տավուշի մարզ, Լոռու մարզ, Արագածոտնի մարզ, Վայոց Ձորի մարզ

1.2 Սենյակների հագեցվածության պահանջներ

Սենյակների հագեցվածություն և պայմաններ	• մահճակալ • պահարան • գրասեղան և աթոռ • սառնարան • ներքին հեռախոս • համացանց • խմելու ջուր (եթե ծորակի ջուրը խմելի չէ)
Լոգասենյակների հագեցվածություն և պայմաններ	• տաք և սառը ջրի մշտական առկայություն • պատշաճ աշխատող զուգարան • հիգիենիկ պարագաներ՝ թուղթ, օճառ, անձեռոցիկ
Սենյակներում նախընտրելի իրեր/ պայմաններ	• բազմոց • բազկաթոռ • հավելյալ ծածկոց/ վերմակ և բարձ • թեյնիկ
Այլ պայմաններ	• ժամանցի կազմակերպման հնարավորություններ՝ թենիս, սպորտհրապարակ

1.3 Կոնֆերանս սենյակների հագեցվածության պահանջներ

Մեծ կոնֆերանս սենյակի քանակ	• 1 մեծ կոնֆերանս սենյակ՝ նախատեսված 140 անձի համար
Մեծ կոնֆերանս սենյակի պայմաններ	• օդափոխության հնարավորություն • պրոյեկտորի և ցուցադրման էկրանի առկայություն • պրոյեկտորից համակարգիչ միացող լարեր • բարձրախոս • գրատախտակով կամ ֆլիպ չարթի հարմարեցման պարագաներ • սեղաններ և աթոռներ
Փոքր կոնֆերանս սենյակների/ դասասենյակների քանակ	• 8-10 դասասենյակներ կամ կոնֆերանս սենյակներ՝ նախատեսված 18-20 անձի համար
Փոքր կոնֆերանս սենյակների/ դասասենյակների	• բնական լույսի առկայություն • օդափոխության հնարավորություն • գրատախտակ/ կամ flipboard • սեղաններ և աթոռներ

1.4 Սնունդ

Նախաճաշ, ճաշ և ընթրիք	համաձայնեցված բովանդակությամբ ու կարգով
Սուրճի ընդմիջում	2 անգամ՝ համաձայնեցված բովանդակությամբ ու կարգով

1.5 Այլ պայմաններ

- Հյուրանոցի ողջ տարածքում պարտադիր է շուրջօրյա արագ համացանցի առկայությունը:
- Լվացքատան ծառայություններ՝ հագուստի տարբեր պարագաների լվացում ըստ գործող ներքին կարգի՝ առնվազն **շաբաթը մեկ անգամ**:
- Հյուրանոցի սենյակներում անձանց տեղավորումը՝ **երեքից** անձից ոչ ավելի:
- Հյուրանոցի և սենյակների տարածքների՝ պատշաճ **ախտահանում ամեն օր**:
- Հյուրանոցի սենյակներում **սպիտակեղենի փոխումը՝ յուրաքանչյուր երեք օրը մեկ անգամ**:

2. ՄԱՍՆԱԿՑԻ ՄԱՍՆԱԿՑՈՒԹՅԱՆ ԻՐԱՎՈՒՆՔԻ ՊԱՀԱՆՁՆԵՐԸ, ՈՐԱԿԱՎՈՐՄԱՆ ՉԱՓԱՆԻՇՆԵՐԸ ԵՎ ԴՐԱՆՑ ԳՆԱՀԱՏՄԱՆ ԿԱՐԳԸ

2.1 Սույն ընթացակարգին մասնակցելու իրավունք չունեն անձինք.

1) որոնք հայտը ներկայացնելու օրվա դրությամբ դատական կարգով ճանաչվել են սնանկ.

2) որոնք կամ որոնց գործադիր մարմնի ներկայացուցիչը հայտը ներկայացնելու օրվան նախորդող հինգ տարիների ընթացքում դատապարտված է եղել ահաբեկչության ֆինանսավորման, երեխայի շահագործման կամ մարդկային թրաֆիքինգ ներառող հանցագործության, հանցավոր համագործակցություն ստեղծելու կամ դրան մասնակցելու, կաշառք ստանալու, կաշառք տալու կամ կաշառքի միջնորդության և օրենքով նախատեսված տնտեսական գործունեության դեմ ուղղված հանցագործությունների համար, բացառությամբ այն դեպքերի, երբ դատվածությունը օրենքով սահմանված կարգով մարված կամ վերացված է.

3) որոնց վերաբերյալ գնումների ոլորտում հակամրցակցային համաձայնության, գերիշխող դիրքի չարաշահման կամ անբարեխիղճ մրցակցության համար պատասխանատվություն սահմանող վարչական ակտը՝ հայտը ներկայացվելու օրվան նախորդող երեք տարվա ընթացքում, դարձել է անբողոքարկելի, իսկ բողոքարկված լինելու դեպքում թողնվել է անփոփոխ.

4) որոնք հայտը ներկայացնելու օրվա դրությամբ ներառված են Եվրասիական տնտեսական միությանն անդամակցող երկրների գնումների մասին օրենսդրության համաձայն հրապարակված գնումների գործընթացին մասնակցելու իրավունք չունեցող մասնակիցների ցուցակում.

5) որոնք հայտը ներկայացնելու օրվա դրությամբ ներառված են գնումների գործընթացին մասնակցելու իրավունք չունեցող մասնակիցների ցուցակում:

Ընդ որում, եթե մասնակիցը սույն կետի 5-րդ և 6-րդ ենթակետերով նախատեսված ցուցակներում ներառվել է հայտը ներկայացնելու օրվանից հետո, ապա նրա տվյալ հայտը ենթակա չէ մերժման:

Մասնակիցն ընդգրկվում է գնումների գործընթացին մասնակցելու իրավունք չունեցող մասնակիցների ցուցակում (այսուհետ նաև ցուցակ), եթե՝

- խախտել է պայմանագրով նախատեսված կամ գնման գործընթացի շրջանակում ստանձնած պարտավորությունը, որը հանգեցրել է պատվիրատուի կողմից պայմանագրի միակողմանի լուծարմանը, կամ գնման գործընթացին տվյալ մասնակցի հետագա մասնակցության դադարեցմանը, եթե որպես ընտրված մասնակից հրաժարվել կամ զրկվել է պայմանագիր կնքելու իրավունքից:

2.2 Մասնակցության իրավունքի գնահատման համար մասնակիցը հայտով պետք է ներկայացնի իր կողմից հաստատված՝ սույն հրավերի 2-րդ մասի 2.1 կետով նախատեսված գրավոր հայտարարություն: Բացի սույն կետով նախատեսված հայտարարությունից մասնակցության իրավունքի գնահատման համար մասնակցից, այդ թվում ընտրված մասնակցից այլ փաստաթղթեր կամ հիմնավորումներ չեն կարող պահանջվել: Մասնակցի հայտարարության իսկությունը գնահատող հանձնաժողովը (այսուհետ՝ հանձնաժողով) գնահատում է սույն հրավերով սահմանված պայմաններով:

2.3 Մասնակցի՝ Օրենքի 6-րդ հոդվածի 1-ին մասի 6-րդ կետով նախատեսված ցուցակում ներառվելը, դրանում գտնվելու ժամանակահատվածում ինքնաբերաբար հանգեցնում է վերջինիս հետ փոխկապակցված անձանց գնումների գործընթացին մասնակցության իրավունքի սահմանափակման:

Արգելվում է սույն կետով սահմանված փոխկապակցված անձանց և (կամ) միևնույն անձի (անձանց) կողմից հիմնադրված կամ ավելի քան հիսուն տոկոս միևնույն անձի (անձանց) պատկանող բաժնեմաս (փայաբաժին) ունեցող կազմակերպությունների միաժամանակյա մասնակցությունը սույն ընթացակարգին (միևնույն չափաբաժնին), բացառությամբ պետության կամ համայնքների կողմից հիմնադրված կազմակերպությունների և (կամ) համատեղ գործունեության կարգով (կոնսորցիումով) գնումների գործընթացին մասնակցության դեպքերի:

Կարգի 119-րդ կետի իմաստով՝

1) ֆիզիկական անձինք համարվում են փոխկապակցված, եթե նրանք վարում են ընդհանուր տնտեսություն, կամ համատեղ ձեռնարկատիրական գործունեություն, կամ գործել են համաձայնեցված՝ ելնելով ընդհանուր տնտեսական շահերից,

2) ֆիզիկական և իրավաբանական անձինք համարվում են փոխկապակցված, եթե նրանք գործել են համաձայնեցված՝ ելնելով ընդհանուր տնտեսական շահերից, կամ եթե տվյալ ֆիզիկական անձը կամ նրա ընտանիքի անդամը հանդիսանում է՝

ա. տվյալ իրավաբանական անձի բաժնետոմսերի տաս տոկոսից ավելին տնօրինող մասնակից.

բ. Հայաստանի Հանրապետության օրենսդրությամբ չարգելված այլ ձևով իրավաբանական անձի որոշումները կանխորոշելու հնարավորություն ունեցող անձ.

գ. տվյալ իրավաբանական անձի խորհրդի նախագահ, խորհրդի նախագահի տեղակալ, խորհրդի անդամ, գործադիր տնօրեն, նրա տեղակալ, գործադիր մարմնի գործառույթներ իրականացնող կոլեգիալ մարմնի նախագահ, անդամ.

դ. իրավաբանական անձի այնպիսի աշխատակից, որն աշխատում է գործադիր տնօրենի անմիջական ղեկավարության ներքո կամ իրավաբանական անձի կառավարման մարմինների կողմից որոշումների կայացման հարցում որևէ էական ազդեցություն ունի.

3) ֆիզիկական անձի կարգավիճակ չունեցող մասնակիցները համարվում են փոխկապակցված, եթե՝

ա. տվյալ անձը քվեարկելու իրավունքով տիրապետում է մյուսի՝ ձայնի իրավունք տվող բաժնետոմսերի (բաժնեմասերի, փայերի, այսուհետ՝ բաժնետոմս) տաս և ավելի տոկոսին, կամ իր մասնակցության ուժով կամ տվյալ անձանց միջև կնքված պայմանագրին համապատասխան հնարավորություն ունի կանխորոշել մյուսի որոշումները.

բ. նրանցից մեկի ձայնի իրավունք տվող բաժնետոմսերի տաս տոկոսից ավելին տիրապետող կամ օրենքով չարգելված այլ ձևով նրա որոշումները կանխորոշելու հնարավորություն ունեցող մասնակիցը (բաժնետերեր) և (կամ) մասնակիցները (բաժնետերերը) կամ նրանց ընտանիքի անդամները (եթե մասնակիցը ֆիզիկական անձ է) իրավունք ունեն ուղղակի կամ անուղղակի կերպով տիրապետել (այդ թվում՝ առուվաճառքի, հավատարմագրային կառավարման, համատեղ գործունեության պայմանագրերի, հանձնարարականի կամ այլ գործարքների հիման վրա) մյուսի՝ ձայնի իրավունք տվող բաժնետոմսերի տաս տոկոսից ավելին կամ ունեն Հայաստանի Հանրապետության օրենսդրությամբ չարգելված այլ ձևով վերջինիս որոշումները կանխորոշելու հնարավորություն.

գ. նրանցից մեկի որևէ կառավարման մարմնի կամ նման պարտականություններ կատարող այլ անձանց, ինչպես նաև նրանց ընտանիքի անդամներից որևէ մեկը միաժամանակ հանդիսանում է մյուս անձի որևէ կառավարման մարմնի անդամ կամ նման պարտականություններ կատարող այլ անձ.

դ. նրանք գործել կամ գործում են համաձայնեցված՝ ելնելով ընդհանուր տնտեսական շահերից.

Սույն կետի իմաստով ընտանիքի անդամ են համարվում հայրը, մայրը, ամուսինը, ամուսնու ծնողները, տատը, պապը, քույրը, եղբայրը, երեխաները, թոռները, քրոջ կամ եղբոր ամուսինն ու երեխաները:

2.4 Մասնակիցը ընտրված մասնակից ճանաչվելու դեպքում ներկայացնում է որակավորման ապահովում՝ սույն հրավերով սահմանված կարգով և չափով:

2.5 Սույն ընթացակարգի շրջանակում կնքվելիք պայմանագիրը կարող է իրականացվել գործակալության պայմանագրի կնքելու միջոցով: Գործակալության պայմանագրի կողմ չի կարող հանդիսանալ սույն ընթացակարգին (միևնույն չափաբաժին) մասնակցելու նպատակով հայտ ներկայացրած մասնակիցը:

2.6 Մասնակիցները կարող են սույն ընթացակարգին մասնակցել համատեղ գործունեության կարգով (կոնսորցիումով):

Նման դեպքում՝

1) համատեղ գործունեության պայմանագրի կողմերից որևէ մեկը չի կարող նույն ընթացակարգին (միևնույն չափաբաժին) ներկայացնել առանձին հայտ: Սույն պարբերության պահանջի չափապանման դեպքում՝ հայտերի բացման նիստում մերժվում են ինչպես համատեղ գործունեության կարգով, այնպես էլ առանձին ներկայացված հայտերը.

2) Մասնակիցները կրում են համատեղ և համապարտ պատասխանատվություն: Ընդ որում, կոնսորցիումի անդամի կոնսորցիումից դուրս գալու դեպքում կոնսորցիումի հետ պատվիրատուի կնքած պայմանագիրը միակողմանիորեն լուծվում է և կոնսորցիումի անդամների նկատմամբ կիրառվում են պայմանագրով նախատեսված պատասխանատվության միջոցները:

ՁԵՎ
ԻՐԱԿԱՆ ՇԱՀԱՌՈՒՆԵՐԻ ՎԵՐԱԲԵՐՅԱԼ ՀԱՅՏԱՐԱՐԱԳՐԻ

1. Կազմակերպությունը

1.1. Կազմակերպության տվյալները

1.1.1. Անվանումը	
1.1.2. Անվանումը լատինատառ	
1.1.3. Պետական գրանցման համարը	
1.1.4. Գրանցման օրը, ամիսը, տարին	
1.1.5. Գրանցման հասցեն	
1.1.6. Գրանցման պետությունը	
1.1.7. Գործադիր մարմնի ղեկավարի անունը և ազգանունը	

1.2. Հայտարարագիրը ներկայացնող անձը

1.2.1. Հայտարարագիրը ներկայացնող անձի անունը և ազգանունը	
1.2.2. Հայտարարագիրը ներկայացնող անձի պաշտոնը	

1.3. Հայտարարագրի ներկայացումը

1.3.1. Հայտարարագրի ստորագրման օրը, ամիսը, տարին	
1.3.2. Հայտարարագրի էջերի քանակը	
1.3.3. Հայտարարագիրը ներկայացնող անձի ստորագրությունը	

Հավելված 2
«ԴՀ-ՈՒԱԱԿ-19/04» ծածկագրով
հրատապ բաց մրցույթի հրավերի

Գ Ն Ա Յ Ի Ն Ա Ռ Ա Ջ Ա Ր Կ

Ուսումնասիրելով «ԴՀ-ՈՒԱԱԿ-19/04» ծածկագրով հրատապ բաց մրցույթի հրավերը,
 _____-ն առաջարկում է
 մասնակցի անվանումը

պայմանագիրը կատարել ներքոհիշյալ ընդհանուր գներով.

ՀՀ դրամ

Չափա- բաժինների համարները	Ծառայության անվանումը	Արժեք (ինքնարժեքի և կանխատեսվո ղ շահույթի հանրագումար ը) /տառերով և թվերով/	ԱԱՀ /տառերով և թվերով/	Ընդհանուր գինը /տառերով և թվերով/
1	2	3	4	5
1				
2				

_____ մասնակցի անվանումը (ղեկավարի պաշտոնը, անուն ազգանունը)

_____ ստորագրությունը

Կ. Տ.